

M.-Th. von Gunten **Lueget,
loset, gniesset**

a, f (F-Dur) (2 st. Jodel)

Lueget wie d'Blueme zum Bode us
stosse! Rings-ume isch scho de
Frühlig verwacht. Tuusig vo Blüete,
die chlyne und grosse, chleide de
Tag i ne farbigi Pracht. Lueget, jo
lueget! Lueget und lueget! Rund um
öis ume e farbigi Pracht!

Loset wie d'Vögel am Morge früh
sing, zerscht no ganz hübschli, ver-
steckt i de Äscht. Nodis no mälde
sich tuusig vo Stimme zu-me-ne ju-
belnde Früehmorgefäscht. Loset, jo
loset! Loset die Stimme! Loset wie's
jublet zum Früehmorgefäscht!

Gniesset de Tag a de wärmende
Sunne, d'Liebi, wo s'einti zum ande-
re zieht, d'Liebi, wo weckt wie-ne
sprudelnde Brunne. Stimmed mit y i
das heiteri Lied! Gniesset die Tage,
d'Sunne und d'Liebi! Stimmed voll
Fröide mit y is heiteri Lied!